

ԲԱՆԿԱՅԻՆ ՀԱԾԻՎՆԵՐ

«Էվոկաբանկ» ՓԲԸ-ն ֆիզիկական անձ հաճախորդներին առաջարկում է հետևյալ բանկային հաշիվների տեսակները՝

- Ընթացիկ հաշիվներ
- Առարկայագուրկ մետաղական հաշիվներ
- Հատուկ բանկային հաշիվներ
- Պետական աջակցության և երեխայի միանգամյա նպաստի հաշիվ
- Կենսաթոշակային հաշիվներ

1. Ընդհանուր դրույթներ

1.1. Հաշիվների տեսակները

Ընթացիկ հաշիվներ

Այս հաշիվը նախատեսված է այնպիսի բանկային գործարքների համար, ինչպիսիք են՝ աշխատավարձի ստացումը կամ հաշիվի մուտքագրվող նմանատիպ գումարների տնօրինումը, հաշիվի ժամկետային ավանդի տոկոսների մուտքագրումը, կրեդիտ քարտի կամ վարկային վճարումների կատարումը և այլ գործարքներ կատարումը:

Հաշիվներ բացում ենք ռեզիդենտ և ոչ ռեզիդենտ հաճախորդներին համար:

Ընթացիկ հաշիվները կարող են բացվել դրամով, դոլարով, եվրոյով, ռուբլով, ֆրանկով և ֆունտ ստեռլինգով (այլ արտարժույթներով ընթացիկ հաշիվներ կարող եք բացել միայն մեզ հետ համաձայնեցված կարգով):

Ընթացիկ հաշիվ բացման համար գործում է միանվագ սակագին՝ 2000 ՀՀ դրամ:

Հաշիվի փակում՝ 0 ՀՀ դրամ:

Սույն հաշիվների համար նվազագույն մնացորդի պահանջ չի սահմանվում:

Ընթացիկ հաշիվների սպասարկման վճար չի կիրառվում:

Հրոյական մնացորդով ընթացիկ հաշիվները կարող են փակվել Բանկի կողմից՝ վեց ամիս հետո:

Կանխիկի մուտքագրում

Ընթացիկ հաշիվներին 1 (մեկ) բանկային օրվա ընթացքում ՀՀ դրամով մինչև 20 դրամական միջոցների մուտքագրումը Բանկի կողմից կատարվում է անվճար, իսկ դրանից ավել յուրաքանչյուր մուտքագրման համար Բանկի կողմից գանձվում է 30 ՀՀ դրամ միջնորդավճար:

Կանխիկի ելքագրում

Եթե գումարի չափը գերազանցում է 10 մլն. ՀՀ դրամը, 30 Հազ. ԱՄՆ դոլարը և 20 Հազ. Եվրոն ապա կանխիկ միջոցների տրամադրումը իրականացվում է հաճախորդի կողմից գումարը ստանալու նախորդ աշխատանքային օրը մինչև ժամը 14:30 ներկայացված հայտի հիման վրա:

Նշված ժամկետում հայտ չներկայացնելու և Բանկում առկա կանխիկ միջոցների անբավարարության դեպքում, ներկայացվում է ՀՀ ԿԲ-ից կանխիկ գումարի ձեռք բերման «շտապ» հայտ, որի համար հաճախորդից գանձվում է պահանջվող գումարի 0.5 %-ը

Կանխիկ մուտքագրված գումարների սահմաններում, կանխիկ միջոցների տրամադրումն իրականացվում է առանց միջնորդավճար գանձելու:

Փոխանցումներ

Ներբանկային փոխանցումները կատարվում են անվճար:

Միջբանկային փոխանցումների սակագներին մանրամասն կարող եք ծանոթանալ Բանկի ինտերնետային www.evocabank.am կայք հասցեից, այցելելով Բանկի գլխամաս կամ մոտակա մասնաճյուղ, ինչպես նաև գանգահարելով 562036 քաղաքային հեռախոսահամարով:

Մինչև ժ. 15:30 ներկայացված վճարման հանձնարարագրերը Բանկի կողմից կատարվում են նույն բանկային օրը, իսկ ժ. 15:30 ից հետո ներկայացված վճարման հանձնարարագրերը Բանկի կողմից կատարվում են հաջորդ բանկային օրը:

ՀՀ դրամով փոխանցումների կատարման տևողությունը ՀՀ տարածքում կազմում է 1 (մեկ) բանկային օր:

Ընթացիկ հաշիվներով հաշվի արժույթից տարբերվող արժույթով գործառնություն կատարելու դեպքում Բանկն իրականացնում է արժույթի փոխարկում Բանկի կողմից սահմանված սակագներով:

Բանկի կողմից քաղվածքների և գործարքների վերաբերյալ տեղեկատվության տրամադրման պայմաններին կարող եք ծանոթանալ Բանկի ինտերնետային www.evocabank.am կայքի հասցեից, այցելելով Բանկի գլխամաս կամ մոտակա մասնաճյուղ, ինչպես նաև զանգահարելով 562036 քաղաքային հեռախոսահամարով:

Հաճախորդները կարող են իրենց ընթացիկ հաշիվները կառավարել նաև EvocaOnline և EvocaTouch հեռակառավարման համակարգերով, որոնք Հաճախորդներին տրամադրվում են անվճար: Հեռակառավարման համակարգերի լրացուցիչ ապահովության համար Բանկի կողմից կարող են տրամադրվել անվտանգության սարքեր և հավելվածներ, որոնց հետ կապված վճարների վերաբերյալ տեղեկատվությանը կարող եք ծանոթանալ Բանկի ինտերնետային www.evocabank.am կայքի հասցեից, այցելելով Բանկի գլխամաս կամ մոտակա մասնաճյուղ, ինչպես նաև զանգահարելով 562036 քաղաքային հեռախոսահամարով:

Առարկայազուրկ մետաղական հաշիվներ

Այս հաշիվները նախատեսված են անկանխիկ ոսկով խնայողություններ կատարելու, ինչպես նաև հաճախորդներին պատկանող անկանխիկ ոսկու հաշվառման նպատակով: Առարկայազուրկ մետաղական հաշվի բացման համար գործում է միանվագ սակագին՝ 5000 ՀՀ դրամ գումարի չափով, ինչպես նաև հաշվի տարեկան սպասարկման վճար՝ 0.1 %-ի չափով (միջնորդավճարը գանձվում է ամսական կտրվածքով հիմք ընդունելով օրական միջին մնացորդները):

Առարկայազուրկ մետաղական հաշիվներով կարող են իրականացվել

- Հաշվի համալրում,
- Հաշվի ելքագրում,
- Փոխանցումներ,

Հաշիվներ բացում ենք ռեզիդենտ և ոչ ռեզիդենտ հաճախորդների համար՝ միայն 999.9 հարզի ոսկով, առանց նվազագույն մնացորդի պահանջի:

Մեզ մոտ կարելի է գնել անկանխիկ ոսկի՝ սկսած 31 գրամից (ոսկու գնանշումը կատարվում է գրամով): Մեր կայքում հրապարակվում են ոսկու գնանշման օրական տվյալները, որոնք փոփոխվում են՝ կախված միջազգային շուկաներում ոսկու գնից:

Հաշիվներում անկանխիկ ոսկին հաշվառում ենք դրամով՝ ՀՀ Կենտրոնական բանկի հայտարարած հաշվարկային գնով և կշռային (գրամային) արտահայտությամբ՝ 0.01 գրամ ճշտությամբ կամ տրոյական ունցիաներով 0.001 տրոյական ունցիա ճշտությամբ (մեկ տրոյական ունցիան հավասար է 31.10348 գրամի):

Հեռակառավարման համակարգերով առարկայազուրկ մետաղական հաշիվներ չեն բացվում:

Մետաղական հաշիվների սպասարկման, գործառնությունների կատարման, գործարքների վերաբերյալ հարցման սակագներին և պայմաններին մանրամասն կարող եք ծանոթանալ բանկի պաշտոնական կայքում և գործունեության վայրում:

Հատուկ բանկային հաշիվներ

Առաջարկում ենք հետևյալ տեսակի հատուկ բանկային հաշիվներ՝

- Էսքրոու հաշիվներ,
- Նոտարի դեպոզիտ հաշիվ,
- Կառուցապատողի հատուկ հաշիվ,

Էսքրոու հաշիվ- Հաշվի այս տեսակը նախատեսված է ապրանքների առք ու վաճառքի գործարքների ապահով իրականացման համար: Այն հանդիսանում է հատուկ բանկային հաշիվ, որը կիրառվում է ապրանքների առք ու վաճառքի գործարքի ժամանակ կողմերի (այն է՝ Գնորդ և Վաճառող) միջև

հաշվարկների/վճարումների ապահով իրականացման համար: Էսքրոու հաշվի բացման և սպասարկման համար գործում է միջնորդավճար գործարքի գումարի 0.1% (նվազագույնը՝ 10 000 ՀՀ դրամ, առավելագույնը՝ 100 000) ՀՀ դրամ գումարի չափով:

Նոտարի դեպոզիտ հաշիվ-Այս հաշիվները օգտագործվում են ՀՀ օրենսդրությամբ սահմանված կարգով պարտապանների պարտավորությունների կատարման համար դրամական միջոցները դեպոզիտ ընդունելու, պահելու և նոտարի կարգադրությունների հիման վրա նշված միջոցները ելքագրումներ կատարելու նպատակով: Նոտարի դեպոզիտ հաշիվները բացվում են միայն ՀՀ դրամով:

Կառուցապատողի հատուկ հաշիվ-Հաշվի այս տեսակը առաջարկվում է կառուցապատողներին: Այս տեսակի հաշիվը նախատեսված է կառուցվող բազմաբնակարան շենքից անշարժ գույք գնելու իրավունքի պայմանագրի շրջանակներում Գնորդի կողմից անշարժ գույքի գծով կանխավճարներ մուտքագրելու նպատակով: Կառուցապատողի հատուկ հաշվի բացման համար գործում է միանվագ սակագին 40 000 ՀՀ դրամ:

Հատուկ բանկային հաշիվների սպասարկման, գործառնությունների կատարման, գործարքների վերաբերյալ հարցման սակագներին և այլ պայմաններին մանրամասն կարող եք ծանոթանալ բանկի պաշտոնական կայքում և գործունեության վայրում:

Պետական աջակցության հատուկ հաշիվ- Բանկում բացվող հաշվի տեսակ է, որին փոխանցվում են 2014 թվականի հունվարի 1-ին և տվյալ ամսաթվից հետո ընտանիքում ծնված 3-րդ և յուրաքանչյուր հաջորդ երեխայի ծննդյան կապակցությամբ տրվող երեխայի ծննդյան միանվագ նպաստի ընտանեկան դրամագլխին ուղղվող միջոցները: Պետական աջակցության հաշիվների բացումը և սպասարկումն անվճար է: Այս հաշիվների տնօրինումը սահմանափակված է ՀՀ օրենսդրությամբ: Հաշիվը բացվում է ՀՀ դրամով, հաշվի բացման և սպասարկման համար միջնորդավճարներ չեն գանձվում: Պետական աջակցության հաշվի մնացորդի նկատմամբ հաշվարկվում է տարեկան 10% տոկոսադրույք:

Պետական աջակցության հատուկ հաշիվների համար հաշվի չնվազող մնացորդի, հաշվի քաղվածքների, տեղեկանքների և այլ փաստաթղթերի տրամադրման վճար չի սահմանվում:

Պետական աջակցության հատուկ հաշիվների սպասարկման, գործառնությունների կատարման այլ պայմաններին մանրամասն կարող եք ծանոթանալ բանկի պաշտոնական կայքում և գործունեության վայրում:

Կենսաթոշակային հաշիվ-Այս հաշիվները նախատեսված են կենսաթոշակառուներին կենսաթոշակների վճարման և սպասարկման նպատակով: Հաշիվները բացվում են ՀՀ դրամով անվճար՝ առանց տարեկան սպասարկման, կանխիկացման և այլ սպասարկման վճարների: Կենսաթոշակային հաշիվներ բացելու համար կենսաթոշակառուները կարող են մոտենալ Բանկի ցանկացած մասնաճյուղ:

2. Հաշվի բացման / փակման ընթացակարգը

Բանկային հաշիվներ կարող են բացել ինչպես ՀՀ ռեզիդենտները այնպես էլ ոչ ռեզիդենտները:

Բանկային հաշիվների բացման համար անհրաժեշտ է ներկայացնել հետևյալ փաստաթղթերը՝

- Հաշվի բացման դիմում մեր ձևանմուշի համաձայն,
- Անձնագիր և սոցիալական քարտ կամ այն չունենալու մասին տեղեկանք, կամ միայն Նույնականացման քարտ,
- Նպատակային, պետական աջակցության հատուկ և կենսաթոշակային հաշիվների բացման դեպքում՝ տվյալ տեսակի հաշվի բացման համար պահանջվող փաստաթղթերը,
- Մեր պահանջով այլ փաստաթղթեր («Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքի պահանջներից ելնելով):

Բանկային հաշիվները բացվում են հետևյալ փուլերով

- Հաճախորդին հաշվի բացման համար անհրաժեշտ փաստաթղթերի ցանկի ներկայացում և վերջինիս անհրաժեշտ այլ տեղեկատվության պարզաբանում
- Հաճախորդի կողմից հաշվի բացման համար անհրաժեշտ փաստաթղթերի ներկայացում
- Բանկի կողմից հաշվի բացման համար անհրաժեշտ փաստաթղթերի ուսումնասիրություն
- Հաճախորդի հետ հաշվի բացման հայտ-պայմանագրի կնքում:

Ընթացիկ հաշիվներ կարող եք բացել ինչպես մեր գործունեության վայրում, այնպես էլ հեռակառավարման համակարգերի միջոցով: Հեռակառավարման համակարգով ընթացիկ հաշիվ բացելու համար Դուք պետք է հանդիսանաք Բանկի հաճախորդ: Հեռակառավարման համակարգերով հաշիվները բացում ենք մեր կայքի կամ բջջային հավելվածի միջոցով ներկայացված էլեկտրոնային հայտ/դիմում-ի հիման վրա:

Էսքրոու հաշիվներ բացելու համար առուվաճառքի կողմերը (Գևորգը և Վաճառողը) պետք է միասին ներկայանան Բանկի գլխամաս կամ մոտակա մասնաճյուղ և ներկայացնեն գործարքին առընչվող փաստաթղթերը: Այս հաշիվները Բանկի կողմից բացվում են 1 (մեկ) աշխատանքային օրվա ընթացքում գործարքին վերաբերող փաստաթղթերի նախնական ուսումնասիրությունից և գործարքի վերաբերյալ Բանկի նախնական հավանությունը տալուց հետո: Էսքրոու հաշիվներից վճարման հանձնարարագրերով փոխանցումների իրականացում չի թույլատրվում:

Նոտարի դեպոզիտ հաշիվներ կարող են բացել ՀՀ-ում նոտարական գործունեություն իրականացնող նոտարները: Նոտարի դեպոզիտ հաշիվները բացվում են միայն ՀՀ դրամով:

Կառուցապատողի հատուկ հաշիվներ կարող են բացել այն կառուցապատողները, որոնք ցանկանում են իրենց կողմից կառուցվող բազմաբնակարան շենքերից բնակարանների գնման իրավունք ձեռք բերած գնորդներից ստանալ և դեպոնացնել կանխավճարներ: Այս հաշիվները բացվում են միայն Բանկի գործունեության վայրում: Կառուցապատողի հատուկ հաշիվները բացվում են անհրաժեշտ փաստաթղթերը Բանկ ներկայացնելուց և դիմում ներկայացնելուց հետո առավելագույնը մեկ բանկային օրվա ընթացքում: Տվյալ տեսակի հաշիվների բացման մանրամասներին կարող եք ծանոթանալ Բանկ պաշտոնական կայքում:

Հեռակառավարման համակարգերով հատուկ բանկային հաշիվներ չեն բացվում:

Պետական աջակցության և երեխայի միանգամյա նպաստի հաշիվ- Հաշիվը բացվում է երեխայի (հաշվետիրոջ) անունով, երեխայի հետ ՀՀ-ում նույն բնակության վայրի հասցեում հաշվառված օրինական ներկայացուցչի (ծնողի, խնամակալի, որդեգրողի) դիմումի հիման վրա:

Հաշվետերն իրավունք ունի առանց սահմանափակումների տնօրինելու ընտանեկան դրամագլուխը՝ 18 տարին լրանալուց հետո, իսկ մինչև հաշվետիրոջ 18 տարին լրանալը, ընտանեկան դրամագլուխը անկանխիկ վճարումներ կատարելու միջոցով տնօրինվում է ընտանեկան դրամագլուխը տնօրինելու իրավունք ունեցող անձի կողմից՝ բացառապես ՀՀ օրենսդրությամբ սահմանված ուղղություններով, որոնց մասին կարող եք ծանոթանալ Բանկի պաշտոնական կայքում:

Հաճախորդն իրավունք ունի ցանկացած ժամանակ փակել իր բանկային հաշիվը՝ լրացնելով համապատասխան դիմում, որտեղ նշվում են հաշվում առկա դրամական միջոցների մնացորդի նկատմամբ իրականացվող հետագա գործողությունները:

Զրոյական մնացորդով բանկային հաշիվները կարող են փակվել Բանկի կողմից՝ վեց ամիս հետո: Բանկն իրավունք ունի նաև իր նախաձեռնությամբ փակել Հաճախորդի հաշիվը, եթե վերջինս թույլ է տվել Բանկի ներքին իրավական ակտերի խախտում/ներ: Այդ դեպքում հաշվում եղած դրամական միջոցների մնացորդը տրվում է Հաճախորդին կամ նրա ցուցումով փոխանցվում է այլ հաշիվ՝ ՀՀ օրենսդրությամբ սահմանված ժամկետներում:

3. Հաշիվների վարում

3.1 Հաճախորդի բանկային հաշիվների սպասարկումը և վարումը Բանկը իրականացնում է համաձայն կնքված պայմանագրի և Բանկի ներքին իրավական ակտերի:

Ընթացիկ հաշիվով հաշվարկադրամարկղային գործառնություններն Բանկն իրականացվում է հաշվի/հաշիվների մնացորդների սահմաններում՝ գանձելով Բանկի սակագներով սահմանված համապատասխան դրույքաչափերով միջնորդավճարներ:

3.2 Ընթացիկ հաշիվներին միջոցների մուտքերը և ելքերը կարող են իրականացվել Բանկի գլխամասում կամ մասնաճյուղերում՝ անձի ինքնությունը հաստատող բավարար փաստաթղթեր ներկայացնելու դեպքում: Կանխիկ միջոցները մուտքագրվում են ընթացիկ հաշիվներին այդ գումարների ներկայացման պահին: Բանկային հաշվից կանխիկ ելքագրումը կատարվում է անմիջապես՝ Հաճախորդի պահանջով:

3.3 Ընթացիկ հաշիվները կարող են տնօրինվել ինչպես Բանկ այցելելով, այնպես էլ հեռակառավարման համակարգերով: Հեռակառավարման համակարգեր ձեռք բերելու համար պետք է ներկայանաք Բանկ և ներկայացնեք համապատասխան հայտ:

3.4. Ընթացիկ հաշիվների վրա հաշվի արժույթից տարբերվող արժույթով գործառնություններ կատարելու դեպքում Բանկի կողմից կիրականացվի արտարժույթի փոխարկում՝ Բանկի կողմից սահմանված համապատասխան փոխարժեքներով:

3.5. Ընթացիկ հաշիվներից փոխանցումներ կատարելու նպատակով հաճախորդները Բանկին կարող են ներկայացնել համապատասխան ձևով լրացված և պատշաճ ստորագրված վճարման հանձնարարականներ:

3.6. Ընթացիկ հաշիվներին տոկոսների հաշվերումը իրականացվում է եռամսյակային կտրվածքով:

3.7. Հաճախորդի բանկային հաշիվը և դրանում եղած դրամական միջոցները տնօրինելու իրավունքները կարող են սահմանափակվել հարկային մարմինների կողմից կայացված որոշումների համաձայն, ինչպես նաև դատական ակտերի հարկադիր կատարումն ապահովող մարմինների կողմից ՀՀ օրենսդրությամբ սահմանված կարգով կայացված որոշումների համաձայն:

Հաճախորդը կարող է տեղեկացվել արգելանքի մասին՝ արգելանք կիրառելու որոշումը Բանկի կողմից կատարելուց հետո: Առանց Հաճախորդի կարգադրության Հաճախորդի հաշվից դրամական միջոցների բռնագանձումը կարող է իրականացվել դատական ակտերի հարկադիր կատարումն ապահովող մարմինների կողմից՝ ՀՀ օրենսդրությամբ սահմանված կարգով կայացված որոշումների համաձայն: Հաճախորդը կարող է տեղեկացվել իր հաշվից միջոցների բռնագանձման մասին՝ բռնագանձման որոշումը Բանկի կողմից կատարելուց հետո:

4. Ավանդների երաշխավորվող սահմանաչափերը հետևյալն են՝

Ավանդի արժույթային կառուցվածքը	Եթե նույն բանկում ունեք միայն դրամային ավանդ	Եթե նույն բանկում ունեք միայն արտարժույթային ավանդ	Եթե նույն բանկում ունեք և ՀՀ դրամով, և արտարժույթով ավանդ	
			Եթե դրամային ավանդը 5 միլիոն դրամից ավելի է	Եթե դրամային ավանդը 5 միլիոն դրամից պակաս է
Ավանդի երաշխավորման առավելագույն չափը	10 միլիոն ՀՀ դրամ	5 միլիոն ՀՀ դրամ	10 միլիոն ՀՀ դրամ(երաշխավորվում է միայն դրամային ավանդը)	5 միլիոն ՀՀ դրամ(երաշխավորվում է դրամային ավանդն ամբողջությամբ և արտարժույթային ավանդը՝ 5 միլիոն դրամի և հատուցման ենթակա դրամային ավանդի տարբերության չափով)